



Vivian Motzfeldt
Inatsisartunut ilaasortaq, Siumut
/Maani

§ 37 naapertorlugu Københavnimi Kalaallit Peqqissartut Illuannut kalaaliminernik pilersuineq pillugu apeqqummut nr 2017-076 akissut.

17-02-2017
Suliap normua
2017-3536
All. nr. 4566381

Postboks 1160
Oqa: 34 50 00
Fax: 34 55 05
3900 Nuuk
Email: pn@nanoq.gl
www.naalakkersuisut.gl

Aallarniutigalugu qutsavigerusuppakkit Inatsisartut suleriaasiat malillugu § 37 naapertorlugu Københavnimi Kalaallit Peqqissartut Illuannut kalaaliminernik pilersuineq pillugu apeqquteqaravit.

1. Kalaallit peqqissartut angerlarsimaffiat Københavnimiittoq nunatsinnit kalaaliminernik pilersorneqarpa?

Københavnimi Peqqissartut Illuat napparsimasut sungiusimasaminnik nererusunneru-saminnillu nerisarnissaannut periarfisseerusuppoq.

Igaffimmi sulisut, nerisassiornermut assistentit ilinniarsimasut, kalaallit qallunaallu nerisassaataat atorlugit tamatigoortunik, naleqqussakkanik assigiinngisitaartunillu nerisassioartarput. Napparsimasut assigiinngitsunik ukiullit nappaatillillu pisariaqartitaasa assigiinnginnerat innimigalugu. Tamatuma saniatigut peqqissartunut nerisassioartarpoq il.il. Assersuutigalugu najugaqartut annikitsunik nerisartut, nerinissamut pisariaqartitsinerat nakorsartinnerisa nalaanni allanngorluinnartarmat, nerineq pillugu oqaloqatigineqartarput.

Peqqissartut Illuat kalaaliminernik Lilleholmimit, pisiortorfimmit aalaakkaasumik akuerisamillu, inniminniisarpoq. Ukiup qanoq ilinera illoqarfinnilu piniartut aalisartullu tunisimasaat apeqqutaatillugit nerisassat tuniniakkat allanngorartarput. Nalinginnaasumik peqqissartut illuat puisit, umimmaat, savat tuttullu neqaannik aamma panertunik kiisalu qallersuutinik pisisinnaasarpoq. Aalisakkanik nioqqutissiat Royal Greenland-imit pisarineqartarput, taakkulu tassaane-rusarput suluppaakkat, saarullit, qalerallit kapisillillu kiisalu pujuukkat.

2. Taamaassimassappat qanoq annertutigisumik pilersorneqarpa?

Nassiussukkat apeqqutaatillugit sapaatip-akunneranut marloriarluni pingasoriarluni-luunniit kalaaliminernik igasoqartarpoq, tamannalu nunatsinni peqqinnissaqarfimmi suleriutsimut tunngavimmigut akerliunngilaq. 2016-imi kalaalimerngit 1079,5 kg eqqunneqarput.


3. Taamaattoqanngippat pilersaarutigineqarpa peqqissartut angerlarsimaffianut kalaaliminernik pilersuinissaq?

Apeqqut 1-imut aamma 2-mut akissutit innersuussutigineqarput.

Inussiarnersumik inuulluaqqusillunga

Med venlig hilsen

Agathe Fontain

A handwritten signature in blue ink, appearing to read 'Agathe Fontain', written over the printed name.